

UANËN DADA UAIDËMPI II

Nuquin Papan chiaid abimbo iquec, quequid tantiaid

¹Ëmbia Esuquidistu tantiondaidquio Uan nebi. Nëid chido Esuquidistu tantiaquid nendac, quequin Nuquin Papan tantiacpadquieic icquin mibëd Nuquin Papan chiaid tantieic iccuededquidobëdta mibi chuiquin dada uaimbique. Isec onqueta. Nuquin Papan chiaid abimbo iquec, quiosh, quequin mibi utsin chuisho tantiasch mibitedi tantieic tsadebi. ÌËbentsëquidabi mibitedi tantieic tsadpe? Padenquio. Aden chuisho tantiasch utsibotsen adecbidi mibi tantieic tabadoaic. ²Nuquin Papan chiaid abimbo iquec, quequin ënenquiocquin nuqui tantiendac. ³Uquë nësiatiadquido nuqui icsho isash abëdi ënëdenquio yec nuqui tabadmenuec nuqui icsaid bedshunash abided cuidadec Esuquidistu unëspondash. Adembbidi ambi chiaid tantiaquido utsibobëdta bëdamboen tabadmiaido nuqui nendac. Nuquin Papabëdtan aton Mado Esuquidistun adquid icmiac, Ambi chiaid abimbo iquec, quequin tantieic utsibobëd tantiananquidquio nuqui nendac.

⁴Mimbi chiac utsi-utsieic Nuquin Papan chiacpadomboen nabanec tabadsho isash bëdambo iquebi. ⁵Naden nata, quequin chiaid utsipenquio nëid dada uaid nendac. Esuquidistu tantiaquidtedi nuquibi tantiananuna. ⁶Esuquidistu tantiaquid utsibëd tantiananquin Nuquin

Papan chiacpadomboen nabanquido nendac. “Ëbi tantiaquidtedi tantiananta,” quequin Nuquin Papan chiampid mimbi tauamboen tantiondaid nendac. Mimbi tantiacpadquieic ma tabadpanuna.

Muaquin chuiquid

⁷Muaquin chuiquid dadpen capueque. Adquidën chiaid tantiesa icta. Esus Nuquin Papan chomiacmaid matsesquio niosh, quequin adquidën chiendac. Adquid muaquin chuibanec Esuquidistu chieshënquid nec. ⁸Adquidën chuisho tantiamane qeshun chieshenquiocquin Esuquidistu tantiaquiota. Nuquin Papa yacno nidshun ambi meniaidtedi bedembi, qeshun Icbon chiacpadomboen nadeneta. ⁹Esuquidistu Nuquin Papan Madombo nec, quequin tantiembi, queboedëmbi, Ambi chiaid tantianu, quenquiocquin tantesa uatsëcquid nendac. Adquid Nuquin Papabëd tabadacbmboec ictiapimbo iquendac. Esuquidistu Nuquin Papan Madombo nec, quequin tantiaquidquio Nuquin Papan Madobëd tabadacbmboec tabadendac. ¹⁰Esuquidistu Nuquin Papan Madombo nec, quequin chiesha chosho isun yuedenda. Adembbidi, Bëdambo icta, quequin adquid chienda. ¹¹Adquid yuedquid ambi yuedaidbëdtan muaquin chuiquin ismequid nendac.

Ënquin chiaid

¹²Dadpen dada uatiadquio icquimbi mibi yacno nidtiadquio icquin

daëdpactsëc dada uaombi. Mibi yacno
nidash mibëdi onquebi.

¹³Mibitedi tantiec tsadebi, quequin
chuita quiosh ëbëd Nuquin Papan chiaid

tantiec iccuededquido. Adembidi dada
uaimbi.

Padi. Aidedi dada uaombi.